

Doengzdoh Gou Lij Mingz

我的同伴李明

贵港市覃塘区蒙公乡高占小学五年级 苏洁雯

Doengzdoh gou Lij Mingz, caeuq gou doengz mbanj, itcig dwg doengzban doengzhag, dou gamjcingz ndei raixcaix.

Lij Mingz ndang byombyet, naengnoh ndaemndat, doiq lwgda ronghsag mizsaenz, ranznden cungj heuh de guh "makndaemgim". Lij Mingz byaij loh cungj gyaез diuqbwngbwng, vih neix de gag naeuz swheij dwg "duzmaet daihvuengz" ne, mwngz gangj de dwggyaез mbouj dwggyaез ne?

Lij Mingz mboujdanh diencaen dwggyaез, caemhcai q gyaез bangcoh bouxwnq. Mboujlwnh bouxlawz miz gijmaz gunnanz, de cungj riuho ho bae bangcoh.

Geiq ndaej miz baez ndeu, ndaw ban miz boux lwmgbwk doengzhag heuh Linzlinz din in byaij mbouj ndaej loh, hwnj yinhyoz goq aeu bae den' gyausiz hwnj, Linzlinz bae mbouj ndaej, simgip dwk daej lo. Siengj mbouj daengz Lij Mingz raen le, mbouj gangj gijmaz couh aemq hwnj Linzlinz, de ndang byombyet lij dwg haeb heuj dwk, mbouj goq gyoengq doengzhag riunyaen, dawz Linzlinz aemq bae seiq laeuz den- gyausiz lo.

Lij Mingz guh saeh gig saeqsim. Ngoenzgonq hwnj goq diyzuz seiz, gou mbouj siujsim deng diuz dietsei veq laemx, gwnz gyaеuј lae lwed lo. Lij Mingz yawjraen le, gipmuengz daj ndaw daehbuh gaem ok neb canceij daeuj bang gou uet lwed, cieп dwk daj ndaw daehvaq mbon ok "canggojdez" daeuj bang gou nem giz in. Gou geizheih dwk

cam: "Mwngz baenzlawz yienghneix saenz, dwg mbouj dwg rox gou ngoenzneix deng sieng, ndaw daeh couh cang gij doxgaiq neix gouq gip?" Byawz rox Lij Mingz cix naeuz: "Saenz gijmaz saenz, hwnj goq diyzuz mienx mbouj ndaej bungq bae bungq dauq rox souh sieng, daiq gij doxgaiq neix ndaej bwh gip yungh ma, caen dwg da yawj mbouj gyaе! Caen dahraix, miz bwh mbouj lau! Neix mbouj dwg ma, gou couh dwg boux daih' it ndaej yungh ha!"

Dangyienz, gou caeuq Lij Mingz hix miz mbouj ndei gvaq, hoeng dou moix baez doxndei cungj dwg aenvih de simgvangq nyaenx gou. Lumj Lij Mingz boux doengzdoh yienghneix, caen dwg gyau cib boux hix mbouj suenq lai ha, mwngz gangj dwg mbouj dwg?

(指导老师:覃珍团)



Lauxsae Gou

我的老师

贵港市覃塘区蒙公乡
高占小学二年级 陆颖怡

Lauxsae gou gyaез haenx dwg banhcuijin—Vangz lauxsae, de dwg boux lauxsae gig gyaеundei, gig simsienh, doiq doengzhag gig fucwz ndeu.

Vangz lauxsae aen ndang reuxred, mbouj sang mbouj daemq, ngamq habsik, de gyaез daenj geu vunj saekhenj, yawj hwnjdaеuј gig miz cingsaenz.

Naengnoh de gig hau, doiq lwgda mboujdanh miz saenz, lij rox gangjvah dem! Youq gwnz godangz, dou dingqvah, hoiz- dap vwndiz ndaej ndei seiz, lauxsae couh yungh doiq lwgda riunyumj yawj dou, lumjbaenz doiq dou naeuz: "Sou caen ak!" Dou mbouj gamj ndwn hwnjdaеuј hoizdap vwndiz seiz, lauxsae couh yungh doiq lwgda riunyumj yawj dou, lumjbaenz gujli dou naeuz: "Gyayouz ha, mbeihung di!"

Geiq ndaej it nienzgaep

seiz, gou sij cih gig yakyawj, Vangz lauxsae couh gig miz naihsim dwk son gou sij cih, lij gwj gujli gou naeuz: "Cijaeu miz saenqsim, couh ndaej dawz cih sij ndei!" Gou dingq gij vah

Vangz lauxsae, couh miz saenqsim bae lienh sij cih. Seizneix, gou sij gij cih beij gaxgonq ndei haujai lo, gou gig docih Vangz lauxsae.

Vangz lauxsae gvensim dou, couh lumj daxmeh ityiengh gizgiz cungj siengj ndaej daengz. Mbouj-

guenj dwg ngoenz doek fwnraq, rox- naeuz ngoenz bongj rumzhaenq, de cungj dwg caeuxcaeux couh

daeuj hagdangz vih dou gaij cozyez, hwnjdangz.

Vangz lauxsae caen dwg boux lauxsae hungmbwk he! Gou itdingh roengzrengz hagsib, aeu cingczik ndei daeuj hoizbauq gij gyaез de.

(指导教师:韦珍兰)



Boux Doengzdoh Gou Ceiq Gyaез Haenx

我最喜欢的那个伙伴

贵港市覃塘区蒙公乡高占小学五年级 李敏娇

yawj youq ndaw da, gip, youq ndaw sim. "Dinglingling……" Lingz roengzdangz yiengj lo, gyoengq doengzhag lumj rongz rwi sanq ityiengh bongh ok gyausiz, daeuj- daengz cauhsangz guh' angq. Gou hix caj mbouj gib dwk buet bae ra Lij Siujcin. Hoeng, cij raen Lij Siujcin ndang nem gyawj Vangz Haij, ngeng aen gyaеuј cingq nyinhcaen dwk gangjgej gij loek gwnz gaujgenj hawj Vangz Haij ne! De yaep he youq gwnz bonj bouh sijsij vehveh, yaep he youq gwnz gaujgenj ceijceij diemjdiemj, yaep he gangj mbouj dingz……Gou mbouj naihsim dwk bek mbaq Lij Siujcin: "Gaej gangj lo, hawj de bae cam lauxsae, raeuz bae guh' angq ba!" Lij Siujcin ngienx gyaеuј yawj gou da ndeu, riunyumnyum naeuz: "Mwngz sien bae gonq ba, gou aeu bang Vangz Haij dawz gij daez loek neix loengh mingzbej bae!" Gangj sat youh ngaem gyaеuј naihsim gangj hwnjdaеuј. Gou

mbouj miz banhfap, cij ndaej ngauz- ngauz gyaеuј bae ra boux doengzhag wng guh' angq lo.

Singlingz hwnjdangz yiengj lo, gou lienzmuengz buet ma gyausiz. Mbwn gig aeng, daengngoenz lumj aen giuzfeiz hung ityiengh dak gwnz dieg, gou saj ndaej hanh lae hanh roenx. Caiq yawjyawj Lij Siujcin, de lij bang Vangz Haij gangjgej nanzdaez, de hix dwg hanh lae hanh roenx, raemxhanh lumj naed duh ityiengh swnh najbyak de lae roengzdaеuј, hoeng, de dwg vih bang Vangz Haij cix lae hanh. Cingq youq seizneix, lauxsae yamq din byaij haeuj gyausiz lo, Lij Siujcin gipmuengz dawz gaujgenj cuengq laj daiz bae, daep dujrwz doiq Vangz Haij saeq sing naeuz: "Yaep ndeu roengzdangz le, gou caiq laebdaeb bang mwngz gangjgej. Mwngz hwnjdangz itdingh aeu haeujsim dingq, hagsib ceiq youqgaenj dwg gauq swheij roengzrengz."

Youh roengzdangz lo, gyoengq doengzhag youh ceng gonq lau laeng dwk buet bae guh' angq, hoeng Lij Siujcin lij dwg lumj haxbaenh ityiengh naengh youq henz diegnaengh, haeujsim lili dwk bang Vangz Haij gangjgej nanzdaez. Faen cung ndeu, song faen cung…… Lij Siujcin dauqdaej guh sat "aen hong" lo, de byoq gaemz heiq raezrangrang ndeu, lumj ndaek rin ndaw sim doek roengz namh, gwnz naj loh ok riunyumj vuenluplup. Vangz Haij gamjdoengh dwk naeuz: "Docih Lij Siujcin!" Lij Siujcin riuriu naeuz: "Mbouj yungh hekeiq, gou dwg banhcangj, neix dwg gou wngqgai guh." Gangj sat, de couh rag fwnz gou caeuq Vangz Haij itheij angqvauvau dwk bae rog guh' angq lo.

Neix couh dwg baengzyoux ndei gou, boux doengzhag gig gyaез bangcoh bouxwnq ndeu, gou ceiq gyaез de, sou hix gyaез de lwi?

(指导老师:覃珍团)